

欽定滿洲源流考卷四

部族四

新羅一作斯盧 一作雞林 一作新盧 附作

三國

〔三國志〕魏志辰韓見另條十二國有斯盧國

〔通典〕新羅國魏時新盧國其先本辰韓

始有六國稍分爲十二新羅其一也魏將毌

丘儉討高麗破之高麗王奔沃沮其後復歸

故國留者遂爲新羅焉沃沮見後條

欽定滿洲源流考

卷四

部族

一

〔通考〕新羅國在百濟東南五百餘里亦在高麗東南

兼有漢時樂浪郡之地初曰新盧或曰新羅東瀕大海

魏毌丘儉破高麗奔沃沮其後復歸故國留

者遂爲新羅故其人雜有華夏高麗百濟之

屬兼有沃沮不耐韓濊之地其王本百濟人

自海入新羅遂王其國

晉

〔前秦錄〕新羅在百濟東苻堅建元十六年苻

洛反遣使徵兵於百濟新羅等國並不從

秦書苻堅建元十八年新羅國王樓寒

案蒙古語

謂龍曰婁寒字當卽汗音之訛遣使朝獻

通志新羅國在百濟東南五百餘里東濱大海其王本百濟人自海入新羅遂王其地其國初附屬於百濟後因百濟伐高麗人不堪戎役相率歸之遂致強盛因襲伽羅任那諸國滅之其西北界出高麗之間先是其國小不能自通苻堅時其王樓寒遣使衛頭朝貢堅曰卿言海東之事與古不同何也對曰亦

欽定滿洲源流考

卷四

部族

二

猶中國時代變革名號改易今焉得同

南北朝

宋書元嘉二年倭國遣使自稱使持節都督

倭百濟新羅任那秦韓慕韓六國諸軍事

案宋

書無倭國傳中南齊書同

通志新羅魏時新盧國也宋時曰新羅或曰

斯羅

梁書新羅者其先本辰韓也辰韓亦曰秦韓

相去萬里傳言秦人避役來適馬韓

見前條

馬

韓割其東界居之辰韓始有六國稍分爲十  
二新羅其一也其國在百濟東南東瀆大海  
南北與句驪百濟接魏時曰新盧宋時曰新  
羅或曰斯羅南史同國小不能自通使聘普通  
二年王名募秦案南史通志太平御覽皆作  
姓募名秦通考引梁史亦同  
且云未詳易姓之由新羅金姓相承已久不  
應于梁時忽稱姓慕考中國人本稱秦人此  
慕秦二字當爲始使使隨百濟奉方物

〔陳書〕本紀廢帝光大二年六月新羅國遣使  
獻方物宣帝太建二年六月三年五月十年

欽定滿洲源流考

卷四

部族

三

七月並遣使獻方物

〔南史〕新羅在百濟東南五十餘里其地東瀆  
大海南北與句麗百濟接

〔冊府元龜〕北齊河清四年詔以新羅國王金  
眞興爲使持節領東夷校尉樂浪郡公新羅  
王自河清三年至武平四年並遣使朝貢

〔北史〕百濟居漢時樂浪地或稱魏將毋丘儉  
討高麗破之奔沃沮其後復歸故國有留者  
遂爲新羅亦曰斯盧其王本百濟人自海入

新羅初附庸于百濟百濟征高麗不堪戎役  
民相率歸之遂強盛傳世三十至眞平

隋

隋書新羅或稱斯盧其國傳祚至金眞平開  
皇十四年遣使貢方物高祖拜眞平爲上開  
府樂浪郡公新羅王大業已來歲遣朝貢地  
多山險雖與百濟構隙百濟亦不能圖之  
隋東蕃風土記新羅金姓相承三十餘葉至  
今亦姓金

欽定滿洲源流考

卷四

部族

四

通考隋文帝時其王姓金名眞平襲加羅任

那諸國滅之

並三韓之地

其西北界犬牙出高麗

百濟之間地多山險王姓金貴人姓朴民無  
氏有名初百濟伐高麗來請救悉兵往破之  
自是相攻不置後獲百濟王殺之結怨滋深

唐

舊唐書新羅弁韓之苗裔也在漢時樂浪之  
地有城邑村落王所居曰金城周七八里衛  
兵三千人設獅子隊武德四年王金眞平遣

使朝貢高祖親勞問之遣通直散騎侍郎庾文素往使焉賜以璽書及畫屏風錦綵三百段自此朝貢不絕國人多金朴兩姓異姓不爲婚高祖既聞海東三國舊結怨隙遞相攻伐乃問其使爲怨所由對曰先是百濟往伐高麗詣新羅請救新羅發兵大破百濟國因此爲怨每相攻伐新羅得百濟王殺之怨由此始七年遣使冊拜金眞平爲柱國封樂浪郡王新羅王貞觀五年卒無子立其女善德

欽定滿洲源流考

卷四

部族

五

爲王宗室大臣乙祭

案蒙古語謂全部之部曰伊濟與乙祭音近

總知國政詔贈眞平左光祿大夫九年遣使冊命善德爲王十七年遣使上言高麗百濟累相攻襲亡失數十城乞偏師救助太宗遣相里元獎齎璽書賜高麗不聽太宗將親伐高麗詔新羅纂集士馬應接大軍新羅遣大臣領兵五萬人入高麗南界攻水口城降之二十一年善德卒贈光祿大夫餘官封並如故立其妹眞德爲王二十二年眞德遣其弟

國相伊贊子金春秋案唐會要以春秋爲真德子誤及其子

文正案新書文王來朝詔授春秋爲特進文正爲

左武衛將軍春秋請詣國學觀釋奠及講論

太宗因賜以所制温湯及晉祠碑并新撰晉

書將歸國令三品以上宴餞之永徽元年真

德大破百濟之衆遣其弟法敏以聞案下文春秋

卒以其子法敏嗣此處弟字當誤新書云遣春秋子法敏是也帝嘉之拜法

敏爲太府卿五年真德卒詔以春秋嗣立爲

王加授開府儀同三司樂浪郡王六年百濟

欽定滿洲源流考

卷四

部族

六

與高麗靺鞨率兵侵其北界攻陷三十餘城

春秋上表求救顯慶五年命蘇定方爲熊津

道大總管統水陸十萬仍令春秋爲靺夷道

行軍總管與定方討平百濟自是新羅漸有

高麗百濟之地其界益大龍朔元年春秋卒

詔其子太府卿法敏嗣位爲開府儀同三司

上柱國樂浪郡王新羅王三年詔以其國爲

雞林州都督府案雞林與今吉林音譯地理俱符是時新羅既兼有百濟

高麗之地北與靺鞨隣故設都督府于此俾王領之授法敏爲

雞林州都督法敏以開耀元年卒其子政明

嗣位垂拱二年遣使來朝天授三年案冊府元龜

長壽二年政明卒立其子理洪為王仍令襲父輔

國大將軍行豹韜衛大將軍雞林州都督理

洪以長安二年卒輟朝二日立其弟興光為

王仍襲兄將軍都督之號案遼宋以後每以雞林稱高麗金元

時亦以雞林郡公為高麗封號蓋新羅嗣王既世襲都督雞林遂為新羅之通稱迨渤海

盛而新羅偏安南境又為高麗所併故高興麗亦襲是稱雖安地非其舊而名仍沿之耳

光本名與太宗同先天中則天改焉案唐會要興光

### 欽定滿洲源流考

#### 卷四

部族

七

本名崇基是與明皇名同非太宗也又先天為明皇初即位與明皇之名號其非則天所改益

明蓋舊唐書記載之訛耳開元二十一年渤海靺鞨越海

入登州時興光族人金思蘭光因入朝留京

師至是拜為太僕員外卿令歸國發兵以伐

靺鞨仍加授興光寧海軍使二十五年興光

卒贈太子太保仍遣左贊善大夫邢璣往弔

祭并冊立其子承慶上謂璣曰新羅號為君

子之國卿到彼宜闡揚經典使知儒教之盛

又聞其人多善奕碁因令善碁人率府兵曹

楊季鷹爲璿之副天寶二年承慶卒詔遣贊  
善大夫魏曜往弔祭之冊立其弟憲英爲王  
大歷二年憲英卒國人立其弟乾運爲王遣  
其大臣金隱居奉表入朝請加冊命三年遣  
使冊立仍冊乾運母爲太妃建中四年乾運  
卒無子國人立其上相金良相爲王貞元元  
年授良相檢校太尉都督雞林州刺史寧海  
軍使新羅王其年卒立上相金敬信爲王敬  
信卽從兄弟也案敬信卽從兄弟句詞意未  
爲明晰據通考蓋卽良相之

欽定滿洲源流考

卷四

部族

八

從兄十四年敬信卒其子先亡國人立敬信

弟耳嫡孫俊邕十六年遣司封郎中韋丹持節冊

命至鄆州聞俊邕卒丹還永貞元年遣兵部

郎中元季方冊俊邕子重興案冊府元  
龜作重熙爲王

案冊府元龜云并冊其母  
和氏爲太妃妻朴氏爲妃元和三年新羅使

人金力奇上言前貞元十六年奉詔冊臣故

主金俊邕爲王母申氏爲太妃妻叔氏爲王

妃冊使韋丹至中路知俊邕薨其冊却迴在

中書省今臣還國請授臣以歸勅鴻臚寺于

中書省領受至寺宣授與力奇令奉歸國七年重興卒立其相金彥昇爲王授彥昇開府儀同三司檢校太尉持節大都督雞林州諸軍事寧海軍使上柱國新羅王妻貞氏冊爲妃命職方員外郎崔廷持節弔祭冊立以其質子金士信副之太和五年彥昇卒以嗣子金景徽爲開府儀同三司檢校太尉使持節大都督雞林州諸軍事充寧海軍使新羅王母朴氏爲太妃妻朴氏案冊府元龜作貞氏爲妃命太

欽定滿洲源流考

卷四

部族

九

子左諭德源寂持節弔祭冊立

新唐書新羅國東距長人東南日本西百濟南瀕海北高麗而王居金城長人者人類長三丈或搏人以食其國連山數十里有峽固以鐵闔號關門新羅常屯弩士數千守之貞觀二年獻女樂二太宗曰比林邑獻鸚鵡尚思鄉丐還況於人乎付使者歸之王金眞平無子立女善德爲王國人號聖祖皇姑二十一年其妹眞德襲王明年遣子文王及弟伊

贊子春秋來朝拜文王左武衛將軍春秋特  
進因請改章服從中國制內出珍服賜之龍  
朔三年詔以其國爲雞林州大都督府授其  
王法敏都督咸亨五年納高麗叛衆畧百濟  
地守之詔削法敏官爵以其弟右驍衛大將  
軍臨海郡公仁問爲新羅王自京師歸國詔  
劉仁軌爲雞林道大總管發兵窮討法敏遣  
使入朝謝仁問乃還辭王詔復法敏官爵然  
多取百濟地遂抵高麗南境矣按唐會要言

欽定滿洲源流考

卷四

部族

十

地及高麗南境蓋高麗北境已屬渤海故新羅既有百濟之地又兼有高麗南境非得百濟而始抵高麗之南也新書誤會及開元中

王金興光數入朝帝賜興光瑞文錦五色羅  
紫繡紋袍金銀精器興光亦上異狗馬黃金  
美鬣諸物初渤海靺鞨入登州興光擊走之  
進興光寧海軍大使使攻靺鞨二十五年冊  
其子承慶爲王承慶妻朴氏爲妃卒弟憲英  
嗣王帝在蜀遣使泝江至成都朝正月大歷  
初其子乾運立甫卯會其宰相爭權相攻國

大亂三歲乃定建中元年卒無子國人共立宰相金良相貞元元年遣戶部郎中蓋墳持節冊命之永貞三年使臣金力奇爲其宰相金彥昇金仲恭王弟蘇金漆明丐門戟詔皆可凡再朝貢七年彥昇立長慶寶歷間再遣使者來朝留宿衛開成五年鴻臚寺籍質子及學生歲滿者一百五人皆還之有張保臯鄭年者皆善戰工用槍年復能沒海履其地五十里不噎角其勇健保臯不及也年以兄

呼保臯保臯以齒年以藝常不相下自其國皆來爲武寧軍小將後保臯歸新羅謁其王曰遍中國以新羅人爲奴婢願得鎮清海使賊不得掠人西去清海海路之要也王與保臯萬人守之自太和後海上無鬻新羅人者保臯旣貴于其國年饑寒客漣水一日謂戍主馮元規曰我欲東歸乞食于保臯元規曰若與保臯所負何如奈何取死其手年曰饑寒死不如兵死快遂去謁保臯飲之極歡飲

未卒聞大臣殺其王國亂無主保臬分兵五千人與年持年泣曰非子不能平禍難年至其國誅反者立王以報王遂召保臬爲相以年代守清海會昌後朝貢不復至

〔唐會要〕新羅者本弁韓之地其先出高麗魏破高麗其衆保沃沮後歸故國其留者號新羅國多金朴兩姓異姓不爲婚永徽元年王金眞德大破百濟遣使金法敏來朝五年眞德卒高宗爲舉哀于永光門使太常丞張文

欽定滿洲源流考

卷四

部族

十二

收弔祭之贈開府儀同三司仍賜綾綵三百段詔以其子春秋嗣位顯慶元年三月又破百濟兵使來告捷龍朔元年春秋卒子法敏嗣位三年四月詔新羅置雞林大都督仍授法敏雞林州大都督麟德二年八月法敏與熊津都督夫餘隆盟于百濟之熊津城于是帶方州刺史劉仁軌領新羅百濟僭羅倭人四國使浮海西還以赴泰山之下上元元年

案新唐書作咸亨五年與此異

二月新羅王金法敏旣納高

麗叛亡之衆又封百濟故地遣兵守之帝怒  
削法敏官爵遣宰臣劉仁軌討之仍以法敏  
弟金仁問爲新羅王時仁問在京師詔令歸  
國以代其兄仁問至中路聞新羅降乃還二  
年二月雞林道行軍大總管劉仁軌大破新  
羅之衆于七重城而還新羅于是遣使入朝  
并獻方物前後相屬復法敏官爵既盡有百  
濟之地及高麗南境東西約九百里南北約  
一千八百里案舊唐書云東西千里南北二  
千里新唐書云橫千里縱三千

欽定滿洲源流考

卷四

部族

十三

里今既併百濟高麗無反狹于開耀元年法

敏卒遣使冊立其子政明爲王長壽二年舊唐

書作天政明卒冊其子理洪爲王三年遣使

來朝其年理洪卒舊唐書作長冊其弟崇基

爲王仍襲兄輔國大將軍左豹韜衛大將軍

雞林州都督神龍三年授驃騎大將軍先天

元年改名興光開元十年頻遣使獻方物十

一年興光遣獻果下馬二匹及金銀等仍上

表陳謝至十二年遣其臣金武勳來賀正及

武勲迴降書賜之又使其弟金嗣宗來朝并  
貢方物至二十一年命太僕卿員外置金思  
蘭使于新羅思蘭本新羅行人恭而有禮因  
留宿衛及是委以出疆之任且使之也是年  
興光奏國內有芝草生畫圖以獻二十二年  
遣大臣金竭丹來賀正又遣姪志廉獻方物  
授志廉鴻臚少卿員外置賜絹百匹留宿衛  
二十三年十一月遣從弟金忠相來朝卒於  
路贈衛尉卿二十五年興光卒子承慶嗣位

欽定滿洲源流考

卷四

部族

十四

至二十八年冊其妻朴氏爲新羅王妃天寶  
三年卒命弟憲英嗣位是歲四月遣使獻方  
物十月遣使來賀正授左清道率府員外長  
史賜綠袍銀帶還番自後頻來朝貢七載遣  
使獻金銀及六十總布魚牙紬朝霞紬牛黃  
頭髮人參寶應二年憲英遣使朝貢授其使  
檢校禮部尚書放還大歷二年憲英卒子乾  
運立三年命倉部郎中歸崇敬持節冊命七  
年使金標石來賀正授衛尉員外少卿八年

遣使來朝并獻金銀牛黃魚牙紬等方物建  
中四年乾運卒無子國人立其上相金良相  
爲王貞元元年令戶部郎中蓋墳往冊其年  
良相卒立上相敬信爲王十四年敬信卒其  
子先卒國人立敬信嫡孫俊邕爲王元和元  
年放宿衛王子金獻忠歸本國仍加試祕書  
監三年遣使金力奇來朝四年遣使金陸珍  
等來朝貢五年王子金憲章朝貢七年重興  
卒其相金彥昇遣金昌南等告哀其年七月

欽定滿洲源流考

卷四

部族

十五

授彥昇開府儀同三司檢校太尉新羅國王  
彥昇妻貞氏冊爲妃仍賜大宰相金崇斌等  
三人戟十一年十一月其入朝王子金士信  
等遇風颺至楚州鹽城界淮南節度李鄘以  
聞十五年遣使朝貢長慶二年使金柱弼來  
朝寶歷元年王子金昕來朝兼充宿衛太和  
四年舊唐書作五年彥昇卒五年四月詔以金景徽  
爲國王母朴氏太妃妻朴氏爲妃開成元年  
王子義琮來謝恩宿衛會昌元年七月勅歸

國新羅官前入新羅宣慰副使充兗州都督  
府司馬賜緋魚袋金雲卿可淄州長史

唐六典河南道控新羅之貢獻

冊府元龜唐武德九年新羅遣使訟高麗王  
建武關其道路不得入朝又相與有隙屢相  
侵掠詔員外散騎侍郎朱子奢和解之建武  
奉表謝罪請與新羅對使會盟貞觀十七年  
九月新羅遣使言高麗百濟侵陵臣國累遭  
攻襲數十城兩國連兵期于必取將以今茲

欽定滿洲源流考

卷四

部族

十六

九月大舉謹遣陪臣歸命大國願乞偏師以  
存救援帝謂使人曰我頻使人和爾三國高  
麗百濟旋踵翻悔意在吞滅我少發邊兵總  
契丹靺鞨直入遼東爾國自解可緩一年之  
圍此後知無繼兵還肆侵侮然四國俱擾于  
國未安此爲一策我又能給爾數千朱袍丹  
幟二國兵至建而陳之彼以爲我兵必皆奔  
走此爲二策百濟負海之險不修兵械我以  
數十百船載卒泛海直襲其地此爲三策爾

國以婦人爲主爲隣國輕侮我遣一宗枝以爲爾國主待爾國安任爾白守此爲四策爾宜思之將從何事使者但唯而無對帝於是遣相里元獎齎璽書賜高麗曰新羅委命國家朝貢不闕爾與百濟宜卽戢兵若更攻之明年當出師擊爾國矣蓋蘇文謂元獎曰高麗新羅怨隙已久往者隋室相侵新羅乘釁奪高麗五百之地自非反地還城此兵恐未能已元獎曰既往之事安可追論蘇文竟不

欽定滿洲源流考

卷四

部族

十七

從十八年元獎還元獎初至平壤蓋蘇文又破新羅兩城詔以高麗侵逼新羅令營州都督張儉等率幽營二都督府兵馬問罪屬遼東水泛儉等兵不能濟二十二年新羅國伊

贊於

於字新舊唐書俱作子

金春秋及其子文王來朝

帝遣光祿卿柳亨持節郊勞之是年百濟復破其一十三城永徽元年六月新羅王金眞德大破百濟之衆遣使以聞六年二月遣營州都督程元振左衛中郎將蘇定方發兵一

萬討高麗以侵掠新羅故也時新羅王金春  
秋言高麗百濟靺鞨相連侵其北境奪三十  
三城乞兵救援故遣元振經畧之顯慶元年  
百濟伐新羅新羅拒戰破之是年十月遣王  
子文王來朝咸亨四年燕山道總管李謹行  
按謹行人破高麗叛黨于瓠盧河之西高麗平  
壤餘衆遁入新羅五年二月遣劉仁軌爲雞  
林道行軍大總管以伐新羅又以靺鞨兵浮  
海而南畧新羅之南境仁軌還詔以李謹行

欽定滿洲源流考

卷四

部族

十八

爲安東鎮撫大使屯兵於新羅之買肖城以  
經畧之前後三戰皆捷于是新羅遣使入朝  
并獻方物開元二年二月王子金守忠來朝  
留宿衛賜宅及帛以寵之十一年四月遣使  
獻果下馬一匹表曰鄉居海曲地處遐陬原  
無泉客之珍本乏寶人之貢輒將方產之物  
塵瀆天宮鴛蹇之才滓穢龍殿竊方燕豕敢  
類楚雞深覺醜顏彌增汗戰是年賀正使金  
武勳還國賜興光錦袍金帶及綵素三千匹

十九年二月使臣金志良來賀正授太僕員外少卿賜帛六十匹還番降書與新羅王曰所進牛黃及金銀等物省表具知卿二明慶祚三韓善隣時稱仁義之鄉代著勲賢之業文章禮樂聞君子之風納欵輸誠効勤王之節固藩維之鎮衛諒中外之表儀朕每晨興佇念宵衣待賢想見其人以光啟沃俟卿觀止允副所懷今使至知嬰疾苦不遂祇命言念遐濶用增憂勞時候暄和想痊復也今賜

欽定滿洲源流考

卷四

部族

十九

綵綾五百匹帛二千五百匹宜卽領取

詳此  
則

開元時曾命新羅王入朝而王因疾不至也

二十一年十二月王

姪志廉來朝謝恩也初帝賜興光白鸚鵡雄雌各一及紫羅繡袍金銀鈿器物瑞文錦五色羅綵三百餘段興光表曰地隔蓬壺天慈洽遠鄉睽華夏睿澤覃幽伏覩瓊文跪披玉匣含九霄之雨露帶五綵之鸞鸞辯惠靈禽素蒼兩妙或稱長安之樂或傳聖主之恩羅錦彩章金銀寶鈿見之者爛目聞之者驚心

微效若塵重恩如岳循涯揣分何以上酬詔  
饗志廉于內殿二十二年新羅王金興光從  
弟左領軍衛員外將軍忠信上表曰臣所奉  
進止令臣執節本國發兵馬攻靺鞨有事續  
奏者奉聖旨時爲替人金孝方身亡便留臣  
宿衛今從姪志廉到訖臣卽合還每思前所  
奉旨無忘夙夜陛下先有制加本國王寧海  
軍大使錫之旌節伏望因臣還國以副使假  
臣豈惟斯怒益振固亦武夫作氣帝許焉二

欽定滿洲源流考

卷四

部族

二十

十四年六月新羅王表曰伏奉恩勅溟江以  
南令新羅安置錫臣境土廣臣邑居遂使墾  
闢有期農桑得所奉絲綸之旨荷榮寵之深  
粉骨糜身無由上答

按此則開元時以溟江以南地與新羅新舊書

俱未載

天寶二年制曰故開府儀同三司使持

節都督雞林州諸軍事兼持節寧海軍使新  
羅王金承慶弟憲英奕葉懷仁率心當禮大  
賢風教條理尤明中夏軌儀衣冠素襲馳海  
珍而遣使準雲呂而通朝代爲純臣累効忠

節頃者兄承土宇沒而無嗣弟膺繼及抑惟常經是用賔懷優以冊命可襲兄新羅國王開府儀同三司使持節大都督雞林州諸軍事兼充持節寧海軍使憲宗元和三年勅新羅王叔金彥昇弟仲恭等三人宜令本國准舊例賜戟七年勅新羅國大宰相金崇斌等三人令本國准例賜戟十五年新羅質子金士信奏本國嘗差質子宿衛每有天使臨番卽充副使轉通聖旨下告國人今在城質子

欽定滿洲源流考

卷四

部族二十一

臣當次行敬宗初卽位雞林人前右監門衛率府兵曹參軍金雲卿進狀請充入本國宣慰副使從之敬宗寶曆元年國王金彥昇奏先在太學生崔利貞金叔貞朴季業四人請放還番其新赴朝貢金允夫金立之朴亮之等十二人請留在宿衛仍請配國子監習業鴻臚寺給資糧從之二年十二月新羅質子金允夫請准舊例中使入番便充副使同到本國譯詔書不許但隨告使充副使文宗開

成元年新羅王金景徽遣其子義琮來謝恩  
兼宿衛二年還番是年十二月新羅質子試  
光祿卿金允夫進狀稱入朝充質二十六年  
三蒙改授試官再當本國宣慰及冊立等副  
使准往例皆蒙特授正官遂授武成王廟令  
三年新羅王金祐徵遺淄青節度使奴婢帝  
矜以遠人令却歸本國新羅自武德四年至  
會昌元年朝貢不絕

張九齡集與新羅王金興光勅知卿欲于泚

欽定滿洲源流考

卷四

部族二十二

江置戍既與渤海衝要又與祿山相望仍有  
遠圖宜遵長策且渤海久已逋誅卿每嫉惡  
深用嘉之

五代

五代史新羅自唐高祖時封金眞

案新唐書俱作金眞

此平當係

爲樂浪郡王其後世常爲君長同光

元年國王金朴英遣使者來朝貢長興四年  
權知國事金溥遣使來朴英溥世次立卒史  
皆失其紀自晉以後不復至

冊府元龜後唐同光二年十一月國王金朴  
英遣倉部侍郎金樂錄事叅軍金幼卿朝貢  
二年正月國王及本國泉州案新唐書有全  
州無泉州當卽  
一州而傳  
寫異也節度使王逢規遣使朝貢六月遣  
使朝散大夫倉部侍郎賜紫金岳來朝授朝  
議大夫試衛尉少卿天成二年四月新羅國  
康州遣使林彥來朝貢對於中興殿長興三  
年四月權知本國金溥遣使執事侍郎金肫  
貢方物

欽定滿洲源流考

卷四

部族二十三

五代會要天成二年二月新羅遣使張芬等  
來朝三月以新羅國權知康州事王逢規爲  
懷化大將軍新羅國前登州都督府長史張  
希巖新羅登州舊訛金州據  
冊府元龜改知後官本國金  
州司馬李彥謨並檢校右散騎常侍又以張  
芬爲檢校工部尚書副使兵部郎中朴述洪  
兼御史中丞判官倉部員外郎李忠式兼御  
史清泰二年以入朝使金肫爲檢校工部尚  
書副使司賓大卿李儒爲將作少監

宋

諸番志新羅國與泉之海門對峙俗忌陰陽家子午之說故興販必先至四明而後再發

案宋時新羅為契丹所隔故由海道以至四明與陰陽家之說殊無干涉志蓋為此說以

文之或曰泉之水勢漸低故必經由四明有

大族金氏朴氏其治法峻故少犯道不拾遺

建隆二年遣使來貢興國二年又貢中國使

至必涓吉而後具禮

高麗圖經高麗既併新羅東北稍廣其西北

欽定滿洲源流考

卷四

部族

二十四

與契丹接昔以大遼為界後為所侵逼退保

鴨淥以為險

案此與下通考所云皆北宋末高麗之界也是時新羅北境屬

金其南境屬高麗故高麗之東北稍廣而退保鴨淥亦始于此時云

通考高麗以新羅為東州樂浪府號東京建

炎二年募使絕域者浙東副總管楊應忱請

身使三韓結雞林以達燕雲假刑部尚書往

使高麗高麗不奉詔乃還

奉使行程錄自咸州九十里至同州皆北行

東望大山金人云此新羅山山內深遠無路

可行深處與高麗接界山下至所行路可三十里自同州百七十里至黃龍府東行之案遼州金爲咸平府。同州金爲銅山縣俱在今奉嶺開原之間東至威遠堡卽吉林界南至鐵天之卽唐時高麗考謂新羅卽漢時夫餘國界百濟之舊國也通考開原卽西北界出高麗百併于渤海是時則指此女真也皆

遼

遼史太祖九年新羅遣使貢方物天贊四年復來貢天顯元年以王郁等從征新羅有功優加賞賚太宗天顯三年遷東丹民以實東

欽定滿洲源流考

卷四

部族二十五

平其民或亡入新羅女真聖宗開泰元年歸州言居民本新羅所遷未習文字請設學以教之

遼史兵衛志屬國可紀者五十九其二十一曰新羅

遼史地理志唐元和中渤海王大仁秀南定新羅開置郡縣海州巖淵縣東界新羅故平壤城在縣西南又中京大定府設朝天館以待新羅使

契丹國志太祖併吞諸部渤海王大諲譔深  
憚之與新羅結援新羅言語名物有似中國  
國王誦自契丹承天太后時入貢其後王誦  
爲部下所殺立其弟詢契丹以王誦進貢興  
兵北討十年方罷兵新羅依舊朝貢案新羅  
王之名  
遼史不載聖宗本紀高麗西京留守康肇弒  
其王誦立誦從兄詢詔東征後高麗復朝貢  
是誦與詢皆高麗王名此事亦係高麗非新  
羅也聖宗用兵新羅本紀亦未載惟地理志  
有聖宗伐新契丹四至東南至新羅國以鴨  
綠江東八里黃土嶺爲界

欽定滿洲源流考

卷四

部族 二十六

元

〔元史〕高麗傳高麗地東至新羅南至百濟皆  
跨大海後闢地益廣併古新羅百濟高句麗  
三國爲一地按高麗所併實止二國東南之  
地其西北諸境並未屬高麗也  
謹案新羅自魏時始見謂之斯盧亦曰新盧  
實一國也唐初兼百濟高麗二國之地龍朔  
元年始以其國爲雞林州都督府以新羅王  
金法敏兼大都督其後嗣王皆兼雞林都督  
之號考新羅故地本與百濟高麗爲隣通考

云在百濟東南其西北界出高麗百濟之間  
唐書唐會要言在百濟東北以新唐書高麗  
傳考之高麗東跨海距新羅南跨海距百濟  
西北渡遼水接營州北接靺鞨則自今奉天  
遼陽南至鳳凰城渡鴨綠江至今朝鮮之咸  
鏡平安等道者高麗也自今開原廣寧錦義  
寧遠南至蓋平復州寧海又東南跨海極朝  
鮮之全羅黃海忠清等道者百濟也而新羅  
之境東南兼有今朝鮮慶尚江原二道西北

欽定滿洲源流考

卷四

部族二十七

直至今吉林烏拉又西近開原鐵嶺出高麗  
百濟之間故百濟之東北東南皆相隣近高  
麗介處其中通考所云亦在高麗東南奉使  
行程錄所云自咸州至同州今開原東望大  
山卽新羅界遼志所云海州卽今海城始屬

所分復入渤海又歸于遼

東界新羅是也唐顯慶乾封以  
後百濟高麗之地多入新羅東西增九百里  
南北增千餘里幅員益廣而唐人篇什徃徃  
以海外稱之者蓋西北爲渤海契丹所隔必

浮海往來始達其南境故耳洎開元元和之際渤海愈盛鴨綠江以北皆爲渤海所有遼志所謂渤海王大仁秀南定新羅開置郡邑是也後唐清泰末高麗復起王建襲據新羅邊邑建都松岳元史所謂在鴨綠江東千餘里非平壤之舊者是也于是新羅所有僅海城以東及朝鮮數道非復唐時之境而自五代至遼傳國依然不絕也至雞林卽今吉林雞與吉音旣相符核諸地里亦合蓋在龍朔

欽定滿洲源流考

卷四

部族二十八

時旣兼二國與靺鞨渤海壤地相錯設重鎮于此而王自領之自後相沿世襲其號雖吉林故地旋歸渤海而都督之號仍繫新羅雞林遂爲新羅之通稱遼宋以後爲高麗所併因舉而屬之高麗若王雲之撰雞林志王熙王煦之封雞林郡公亦皆沿其舊名耳諸史又云新羅始保沃沮考後漢書魏志通考俱有東沃沮南沃沮北沃沮之文無大君長邑落各自有帥而其地或在挹婁見前條夫餘之

南或在挹婁之北或屬元菟或屬樂浪或屬  
句驪東濱海而南接濊所載皆朝鮮句驪及  
漢樂浪諸郡事則沃沮者應卽今之窩集  
盛京邊外東南北諸處在在有新羅所保據  
毋丘儉傳在肅慎見另條前界南千餘里則當在  
吉林烏拉之南近長白山殆納沁庫呼訥納  
嚕諸窩集之地歟王本百濟人金姓隋初已  
三十餘世唐武德至會昌又十八世五代以  
後史弗能詳至其山林盤互法令修明道不  
拾遺人嫻書射史稱君子之國不虛也若休  
忍耽羅諸國並爲新羅所併其遺跡皆在今  
朝鮮南界云

欽定滿洲源流考

卷四

部族  
二十九